



ル 6  
2529  
31



門牌86  
號2529  
卷49-31



吉林通志卷七十八

人物志七 金六

宗翰 文前八想夏不齊 宗望 文前 齊 文前

宗磐 文前 宗固 文前

宗翰本名尼瑪哈 原作粘沒喝 漢語訛為尼堪 原作粘罕

小名烏家奴一名粘漢言其貌類漢兒後改名宗維

大金國相薩哈 原作撒改 之長子也 金史本傳 大金志

志傳 資享極烈後雖貴襲其 官加於見授官銜上 姿貌雄傑能被甲周貫馬腹

驍捷如風輪劍入敵人莫敢當幼時嬉戲為部伍擊

刺之法有居後者擊之以鞭性特嚴酷殘忍沈摯多

謀遇戰時號令其下騎者騎步者步同顧者斬所以

每戰必勝也武元初起時纔有千騎大金志傳宗翰年十

七軍中服其勇及議伐遼宗翰與太祖意合太祖敗

遼師於境上獲耶律色實原作謝十薩哈在別路太祖

紀使與宗翰字依完顏希尹原作來賀捷金史因勸

進收國元年正月壬申朔太祖即位薩哈國號

大金遼遣都統鄂爾多原作訛騎二十萬步七萬戊

邊大祖女直以眾寡不敵謀降獨宗翰希尹羅索原作

室妻曰我殺遼人已多降必見剿不如以死拒之宗翰

奮鐵搥直前諸將隨之大金志傳大敗遼人於達嚕噶原作

達魯城金史自是乘勝入黃龍府五十餘州浸逼中

京多其力也大金志傳天輔五年四月宗翰奏曰遼主失

德中外離心我朝興師大業既定而根本弗除後必

為患今乘其釁可襲取之天時人事不可失也太祖

然之即命諸路戒備軍事五月戊戌射柳宴羣臣上

顧謂曰宗翰字依今議西征汝前後計議多合朕意

宗室中雖有長於汝者若謀元帥無以易汝汝當治

兵以俟師期上親酌酒飲之且命之醺解御衣以衣

之羣臣言時方暑月乃止無何為伊拉齊原作貝勒

副普嘉努原作蒲西襲遼帝不果行十一月宗翰復

請曰諸軍久駐人思自奮馬亦壯健宜乘此時進取

中京羣臣言時方寒太祖不聽竟用其策金史本傳 史作用

宗翰策依 詳校本改辛丑以烏赫哩原作 胡魯貝勒杲為內外諸軍

都統以昱宗翰宗幹宗望宗磐紀作盤依 宗磐傳改等副之太祖

紀宗峻領哈濟明安皆受金牌伊都原作 余睹為嚮導取

中京實北京既克中京宗翰率偏師趨北安州與羅

索圖克坦原作 徒單綽里合兵大敗奚王薩滿原作 霞末北安

遂降金史本傳駐軍遣希尹經略近地獲遼護衛耶律錫

里原作 泥烈知遼主獵於鴛鴦灤西北西南兩路兵馬

皆羸弱不可用使努延温敦伊喇保原作 都移刺保温報

都統杲遼主窮迫猶事畋獵不恤危亡兼自殺其子

臣民失望眾益離心攻取之策幸速見諭杲使瑣都

原作 奔睹來報頃奉詔旨不令便趨山西當詳審徐議時

已整眾伺候兵期及瑣都至恐失機會決策進兵宏簡

錄使伊喇保復往報都統曰金史本傳初受命許便宜從

事遼人可取其事已見一失機會後難圖矣今以精

兵六千出瓢嶺以襲遼主當與大軍會於何地又聞

遼主將自五院司來拒戰乃倍道兼行一宿而至遼

主遁去宏簡錄西京復叛耿守忠以兵五千來救至城

東四十里富察烏里固納原作 烏烈骨赫先擊之斬首千

餘宗翰宗雄宗峻繼至宗翰率麾下自其中衝擊之

使餘兵去馬從旁射之守忠敗走其眾殲焉宗翰弟

扎巴台原作扎保迪沒於陣天眷中贈扎巴台特進云宗

翰已撫定西路州縣部族謁上於行在所遂從上取

燕京燕京平金史本傳賞以金器有差宏簡錄太祖既以燕

京與宋人乃還軍次鴛鴦濼不豫將歸京師以宗翰

為都統齋原作貝勒昱德特疊原作貝勒幹魯副之駐

軍雲中金史本傳初與南宋通和已議還燕京六州趙宗

翰不從指地圖曰欲作夏國往來次舍勿復言其後

宗翰欲止割涿易兩州大金志傳太祖曰海上之盟不可

忘也我死汝則為之蓋海上初約燕人歸南朝奚契

丹渤海人皆屬金國也大金志紀太宗即位詔宗翰曰寄

爾以方面當遷官資者以便宜除授以空名宣頭百

道給之金史本傳天會二年太宗紀宋人來請割諸城宗翰

報以武朔二州請曰史有宗翰字依詳校本削宋人不歸我叛亡

阻絕燕山往來道路後必敗盟請勿割山西郡縣太

宗曰先皇帝嘗許之矣當付之諸將獲耶律瑪格原作

馬宗翰歸之京師詔以馬七百匹給其史作宗翰軍依詳校本改

軍以田種千石米七千石振新附之民詔曰新附之

民比及農時度地以居之宗翰請分宗望達蘭原作撻懶

實古納原作迪古乃精兵討諸部詔曰宗望軍不可分別以精銳五千給之宗翰朝太祖陵入見上奏曰先皇帝時山西南京諸部漢官軍帥皆得承制除授今南京皆循舊制惟山西優以朝命詔曰一用先皇帝燕京所降詔敕從事卿等度其勤力而遷授之宗翰復奏曰先皇帝征遼之初圖宋協力夾攻故許以燕地宋人既盟之後請加幣以求山西諸鎮先皇帝辭其加幣盟書曰無容匿逋逃誘擾邊民今宋數路詔納叛亡厚以恩賞累疏叛人姓名索之童貫嘗期以日月約以誓書一無所致盟未期年今已如此萬世守

約其可望乎且西鄙未甯割付山西諸郡則諸軍失屯據之所將有經略或難持久請姑止勿割上悉如所請上以宗翰經略夏國奉表稱藩深嘉其功以馬十匹使宗翰自擇二匹餘賜羣帥及幹魯奏宋不遣歲幣戶口事且將渝盟不可不備太宗命宗翰取諸路戶籍按籍索之而棟摩原作闍母再奏宋人敗盟有狀宗翰宗望俱請伐宋於是安班貝勒杲領都元帥居京師宗翰爲左副元帥自太原路伐宋金史本傳宋朝聞其南侵詔童貫再行貫遣馬擴往使且交蔚應州飛狐靈邱縣至境嚴兵以待止許吏卒三人從乃趣庭

參如見國主禮首議山後事宗翰曰大聖皇帝初與  
趙皇跨海友好各立誓書萬世無斃不謂貴朝陰納  
張覺收燕京逃去官民本朝累贖返還第以虛文見  
給今當略辨是非擴日本朝緣譚稹昧大計輕從張  
覺之請上每悔之願相國存舊好勿以前事置懷乞  
且交蔚應州飛狐靈邱兩縣宗翰曰爾尙欲兩州兩  
縣耶山前山後我家地尙復奚論汝家別割數州來  
可贖罪也和議遂格大金志紀宗翰發自河陰遂降朔州  
金史本傳將侵代州之境嚴戒部伍整肅器械慮家計寨  
難取遂分兵由胡谷寨入焉謂希尹伊都曰今日至

代州與南軍必有數戰初戰不無勞力其餘可乘勝  
破矣旣行越家計寨直至代州並無一戰代州守臣  
李嗣本率吏民請命忻州石嶺關聞風皆降忻州守  
賀權知勢不敵開門張樂以迓之如入無人之境直  
趨太原大金志紀敗宋河東陝西軍四萬於汾河之北殺  
萬餘人宏簡錄宋義勇將劉嗣初領眾四千先屯平陽  
會金人已圍太原謀襲京師嗣初聞之密遣人間道  
獻平陽宗翰復爲鎖城法以困太原鎖城法者於城  
外矢石不及之地築城環繞分人防守敗朔州守臣  
孫翊於太原城下翊沒於陣繼敗府州守臣折可求

於交城於是金人益熾大金志紀宗望自北河趨汴久不

聞問遂留尼楚赫原作銀尤可等圍太原宗翰率師而南

降定諸縣及威勝軍下隆德府實潞州金史本傳既逾南

北關仰而歎曰關險如此而使我過之南朝可謂無

人矣遂至隆德城中素無備三日而破守臣張確死

之大金志紀軍至澤州宋使至軍中始知割三鎮講和事

路允迪以宋割太原詔書來太原人不受詔宗翰取

文水及盂縣復留尼楚赫圍太原乃遣山西宗翰字依詳校

本宋少帝誘蕭仲恭貽書伊都以興復遼社稷以動

之蕭仲恭獻其書詔復伐宋本傳四年八月庚戌太宗紀

發自西京九月丙寅克太原宗翰字依詳校本呼沙呼原作忽沙

渾取平遙降靈石介休孝義諸縣金史本傳始攻太原人

不下乃於城外築舊城居之號元帥行府已而歸雲

中留尼楚赫攻城至是宗翰自雲中復至乘勝急攻

城破盡殺勝隄軍帥臣張孝純被禽繼又釋而用之

副總管王稟負原廟太宗御容赴水而死督運韓總

以下死者三十六人圍城凡二百六十日城中軍民

餓死者十八九固守不下至是始破宋下哀痛之詔

命兩河互相救援時二帥會議再征宋闕大金國志諸將

猶以為難大金志傳希尹曰今河東已得太原河北已得



真定二者乃兩河領袖也乘此之勢可先取兩河俟  
兩河既定徐取東京未晚今若棄兩河先取東京儻  
有不利則兩河非我所有兼太子向到東京不能取  
之宗望未有語宗翰佛然以手去貂帽擲之於地謂  
諸將曰東京國之根本我謂不得東京兩河雖得而  
莫守苟得東京兩河不取可自下向東京不能得者  
以我不在彼也今我若行得之必矣又舒右手作取  
物之狀曰我今若取東京如運臂取物得之矣大金國志  
銳意請行大金國志宗望忻然稱善諸將不敢沮之南  
征之計遂決於是二帥分歸本路大金國志十一月甲子

宗翰自太原趨汴降威勝軍克隆德府遂取澤州薩

喇達原作撤

刺答

等先已破天井關進逼河陽破宋兵萬

人降其城宗翰攻懷州克之丁亥渡河閏月至汴史

宗翰字依與宗望會兵金史至城下見城上守禦以

為難破先欲講和大金國志約畫河為界金史宗翰曰

城不難破城上人多多則易亂及破城日遣入壯士

先登城上果亂散走大金國志丙辰尼楚赫等克汴州

辛酉宋少帝詣軍前舍青城十二月癸亥少帝奉表

降詔元帥府曰將帥士卒立功者第其功之高下遷

賞之其殞身行陣沒於王事者厚卹其家賜贈官爵

務從優厚使勛就軍中勞賜宗翰宗望使皆執其手

以勞之

金史本傳

五年四月

太宗紀

以宋二主及其宗族四

百七十餘人與大軍北還

金史本傳

凡法駕鹵簿皇后以

下車輅鹵簿冠服祖器法物大樂教坊樂器祭器八

寶九鼎圭璧渾天儀銅人刻漏占器景靈宮供器太

清樓秘閣三館書天下州府圖及官吏內人內侍伎

藝工匠府庫蓄積爲之一空

宋欽宗紀

七月賜宗翰鐵券

除反逆外餘皆不問賜與甚厚宗翰奏河北河東府

鎮州縣請擇前資官良能者任之以安新民上遣耶

律暉等從宗翰行詔黃龍府路南路東京路於所部

各選如耶律暉者遣之宗翰遂趨洛陽宋董植以兵

至鄭州鄭州人復叛宗翰使諸將擊董植軍復取鄭

州遂遷洛陽襄陽潁昌汝鄭均房唐鄧陳蔡之民於

河北而遣羅索平陝西外郡是時河東寇盜尙多宗

翰乃分留將士夾河屯守

金史本傳

復取平陸渡河由解

梁晉絳以歸雲中

大金國志

昏德公致書請立趙氏奉職

修貢民心必喜萬世利也宗翰受其書而不答康王

遣王師正奉表密以書招誘契丹漢人獲其書奏之

太宗不詔伐康王河北諸將欲罷陝西兵併力南伐

河東諸將不可曰陝西與西夏爲鄰事體重大

史作事重

體大此從兵不可罷宗翰曰初與夏約夾攻宋人而

夏人弗應而耶律達實在西北交通西夏吾舍陝西

而會師河北彼必謂我有急難河北不足虞宜先事

陝西略定五路既弱西夏然後取宋宗翰蓋有意於

夏人也議久不決奏請於上上曰康王構當窮其所

往而追之俟平宋當立藩輔如張邦昌者陝右之地

亦未可置而不取於是羅索芬徹原作蒲察帥師勝額原作

果博勒和原作盧火監戰平陝西尼楚赫守太原耶律

伊都留西京金史本傳宗翰自雲中下太行大金國志會東軍

於黎陽津遂會睿宗於濮進兵東平府知府權邦彥

棄家宵遁降其城駐軍東平東南五十里復取徐州

先是宋人運江淮金幣皆在徐州官庫盡得之分給

諸軍金史本傳破襲慶府有欲伐孔子墓者誅之時漢兒

將啟孔子墓宗翰問曰孔子何人通事高慶裔曰古

之大聖人曰大聖人墓焉可伐盡殺之故闕里得全

大金國志達蘭原作捷懶攻濟南劉豫傳宋知濟南府劉豫以城

降乃遣巴爾斯原作拔離速烏凌阿原作烏林答托雲原作泰裕瑪

武原作馬五襲康王於揚州未至百五十里瑪武以五百

騎先馳至城下史有揚州字此從宏簡錄康王聞兵來已於前一

夕渡江矣於是康王以書請存趙氏社稷先是康王

嘗致書元帥府稱大宋皇帝構致書大金元帥帳前  
至是乃貶去大號自稱宋康王趙構謹致書元帥閣  
下其四月七月兩書皆然元帥府答其書招之使降  
於是達蘭宗弼巴爾斯瑪武等分道南伐宗弼之軍  
渡江取建康入於杭州康王入海阿里富埒瑋原作蒲盧  
渾等自明州行海三百里追之弗及宗弼乃還金史本傳  
先是康王既殺張邦昌及自明州入海亡去乃議更  
立其人劉豫傳雲中留守高慶裔獻議於宗翰曰吾君  
舉兵止欲取兩河故汴京既得而復立張邦昌後以  
邦昌廢逐故再有河南之役方今兩河州郡既下之

後而官制不易風俗不改者可見吾君意非貪大亦  
欲循邦昌之故事也元帥可首建此議無以恩歸他  
人宗翰從之遣高慶裔詢訪河南州郡求賢人建國  
州郡迎合上意共推劉豫大金國志豫遷都於汴其後宋  
主閤門宣贊舍人徐文將大小船六十隻軍七百人  
來奔至密州界中率將佐至汴豫與元帥府書曰文  
言宋主在杭州其候潮門外錢塘江內有船二百隻  
宋主初走入海時於此上船過錢塘江別有河入越  
州向明州定海口迤邐前去昌國縣其縣在海中宋  
人聚船積糧之處今大軍可先往昌國縣攻取船糧

還趨明州城下奪取宋主御船直抵錢塘江口今自

密州上船如風勢順可五日夜到昌國縣劉豫傳宗翰

欲用徐文策伐江南金史本傳宗弼曰江南卑溼今士馬

困憊糧儲未豐足恐無成功宗翰曰都監務倫安爾

劉豫傳乃止金史本傳初太宗以舍音原作斜也為安班貝勒天

會八年舍音薨久虛此位金史本傳十年木紀宗翰朝京師

謂宗幹曰儲嗣虛位已久哈喇原作合刺先帝嫡孫當立

不早定之恐授非其人宗翰日夜未嘗忘此遂與宗

幹希尹定議入言於太宗請之再三太宗以宗翰皆

大臣所言義不可奪乃從之遂立熙宗為安班貝勒

於是宗翰為古倫原作國右論貝勒兼都元帥熙宗即位

金史本傳入朝依詳校本增拜太保尚書令領三省事封晉國

王乞致仕不許天會十五年薨傳作十四年依本紀改年五十

八追封周宋國王金史本傳詔立廟大興府祀以天子禮

樂大金志宗翰內能謀國外能謀敵決勝制勝有古名

將之風臨潢既捷諸將皆有意忽之心而請伐不已

越千里以襲遼王諸將皆有畏顧之心而請期不已

觀其欲置江淮專事陝服當時無有能識其意者甫

釋干戈歛衽歸朝以定熙宗之位精誠之發孰可掩

哉贊傳時國事大小皆總之雖卿相拜其前而不為禮

太宗朝宗翰之專權主不能令至於命相亦取決焉

大金志傳嘗令諸州郡置地牢深三丈分隔死囚居其下

徒居中笞杖居其上外起夾城重塹以圍之又禁竊

盜及一錢者死大金志紀滌刑毒政皆高慶裔教成之大金

志傳大定四年上謂侍臣曰秦王宗翰有功於國何乃

無嗣皆未知所對上曰朕嘗聞宗翰在西京坑殺匈

降者千人得非其報耶世宗紀正隆二年例封金源郡

王大定間改贈秦王諡桓忠大金志作忠獻禮志圖像衍慶宮

配享太祖廟廷孫秉德色克原傳秉德別有傳金史本傳

宗望本名幹喇布原傳又作幹里雅布原傳

祖次子也金史本傳性仁慈喜談佛道大金志傳每從太祖征

伐金史本傳奇其為人大金志傳常在左右金史本傳累更戰陣在

軍中號為菩薩太子大金志傳天輔六年三月太祖紀與都

統杲出青嶺遇遼兵三百餘掠降人家貲獨與馬和

尙馳擊生擒五人宏簡錄因審遼主尙在鴛鴦灤未去

無疑也於是進兵遼主走陰山遼秦晉國王聶埒原

捏自立於燕京新降州部人心不固杲使宗望請太

祖臨軍宗望至京師百官入賀上曰宗望與十餘騎

經涉兵寇數千里可嘉也上宴羣臣歡甚宗望奏曰

今雲中新定諸路遼兵尙數萬遼主尙在陰山天德

之間而聶埒自立於燕京新降之民其心未固是以諸將望陛下幸軍中也上曰懸軍遠伐授以成算豈能盡合機事朕以六月朔啟行既次大灤西南杲使希尹原作古新奏請徙西南招討司諸部於內地金史本傳上問當出何路去簡宗望對曰中京殘敝芻糧不給由上京爲宜然新降之民遽爾騷動未降者必滋疑懼勞師害人所失多矣上京謂臨潢府也上迺下其議命軍帥度宜行之上聞遼主在大魚灤自將精兵萬人襲之普嘉努原作蒲奴宗望率兵四千爲前鋒晝夜兼行馬多乏追及遼主於石輦驛軍士至者才千人

遼軍餘二萬五千方治營壘普嘉努與諸將議伊都

原作余睹曰我軍未集人馬疲劇未可戰宗望曰今追及

遼主而不亟戰日入而遯則無及矣遂戰短兵接遼兵圍之數重士皆殊死戰遼主謂宗望兵少必敗遂與嬪御皆自高阜下平地觀戰伊都示諸將曰此遼主麾蓋也若萃而薄之可以得志騎兵馳赴之遼主望見大驚卽遯去遼兵遂潰宗望等還上曰遼主去不遠亟追之宗望以騎兵千餘追之普嘉努爲後繼至烏里質鐸不及七字依本紀增太祖已定燕京命幹魯爲都統宗望副之金史本傳襲遼主於陰山將至青冢眾遇

泥濇不敢進獨與當堪原作當海四騎以繩繫遼都統林

牙達實原作大石使為嚮導直至其營宏簡錄時遼主已往

應州其嬪御諸女見敵兵奄至驚駭欲奔命騎下執

之有頃後軍至金史本傳降遼太叔呼拉哈原作胡盧瓦如聶

將原作提里次如遼漢夫人並其子秦許二王女古裕原作

骨伊林原作里幹里延原作里大額頁原作奧野次額

頁趙王幹里延招討達魯原作迪六詳表魯爾錦原作六斤節

度使伯特實古爾原作狗兒凡得車萬餘乘惟甯

王雅里及其長女乘軍亂亡去金史本傳進至索勒敏原作

婦里為書以招遼主宏簡錄遼主自金城來知其族屬

皆見俘率兵五千餘決戰宗望以千兵擊之相去百

步遜去獲其子趙王實納略原作泥烈及傳國璽金史本傳

上於行在太祖喜錄諸帥功加以厚賞獻俘賜以遼

蜀國公主伊林遼主使穆隆阿原作盧瓦持兔鈕金印

請降宗望受之視其文乃元帥燕國王之印復遣書

招諭以石晉北遷事又遣使諭夏國曲示和好以沮

其救遼之心進兵趨天德獲遼耶律慎思候人烏舍

原作吳十同言夏國迎護遼主渡河傳檄諭之果欲附我

當執送遼主若猶疑貳恐有後悔無何使就問棟摩

原作闍母敗狀就以其軍討張覺降瀕海郡縣與戰南京



城東覺敗奔入於宋城中人執其父及二子來獻宗  
望殺之賞有功將士各有差移書責宋納叛且徵軍  
糧請空名宣頭增信牌安撫新降之民詔以新附長  
吏職員仍舊命諸路轉輸軍糧勿督於宋宏簡錄給銀  
牌十空名宣頭五十道金史本傳其遷潤來隰四州人徙  
於瀋州者俟畢農各復其業方遣使以詔書宣諭張  
敦固等出降使者與俱入城收兵城中人復殺之立  
敦固爲都統劫府庫掠居民乘城拒守引兵入千分  
四隊出戰又大敗敦固等以屢嘗拒戰不敢遽降再  
三開諭許其望闕遙拜乃開一門遣棟摩入奏下詔

赦南京官民罪無大小皆釋之官職如舊別飭有司  
輕徭賦勸稼穡聞比歲不登若如舊徵恐民匱乏乃  
度其糧數賦之射糧軍願爲民者使復田里時遷潤  
來隰之民尙保山砦亦從其請特選良吏招撫俄召  
赴闕宋兵三千自海道來破九寨殺馬城縣戍將圖  
爾噶原作盧幹取其銀牌兵仗及馬而去又聞童貫郭藥  
師治軍燕山乃首建伐宋之策奏曰若不伐宋必爲  
後患上意決以監棟摩劉彥宗兩軍宏簡錄自燕山路  
伐宋金史本傳初破檀薊州時郭藥師已屯東郊蔡靖出  
金帛犒軍行至三河藥師戈甲鮮明步伍整肅金人

初見亦懼宗望乃東向望日而拜號令諸部而進張  
令徽先遁金人力追之大金志破郭藥師兵四萬五千  
於白河金史本傳未幾藥師降大金志遂取燕山府盡收其  
軍實馬萬疋甲冑五萬兵七萬州縣悉平宋中山戍  
將王彥劉璧率兵二千來降金史本傳宗望留蔡靖守燕  
引兵向闕以藥師爲前驅圍中山府時太史局占帝  
星復明怪之已而徽宗內禪宗望大驚欲回藥師曰  
南朝未必有備不如姑行至信德府不移時遂克執  
守臣楊信功大金志次邯鄲宋李鄴請修舊好宗望留  
軍中不遣自藥師降益知宋之虛實請以爲燕京留

守宗望字依詳校本削下同及董才降益知宋之地理請任以軍

事太宗俱賜姓完顏氏皆給以金牌金史本傳天會四年

正月己巳太宗紀諸軍渡河取滑州使吳孝民入汴以

詔書問納平州張覺事令執送童貫譚榘詹度以黃

河爲界納質奉貢金史本傳先是內侍梁方平領軍在河

北鐵騎至倉卒奔潰時南面守橋者望見金人旗幟

燒斷橋纜陷沒凡數千人金人因不得濟方平旣潰

何灌軍亦奔散宋師在河南者無一人遂取小舟以

濟凡五日騎兵方絕步兵猶未渡也初至邯鄲遣郭

藥師爲前驅村以千騎藥師求益復以千騎與之藥

師疾驅三百里質明遂至濬州癸酉圍宋京師藥師  
先嘗打毬於牟駝岡知天駟監有馬二萬疋芻豆山  
積至是導宗望奄而取之宗望曰南朝若以二千人  
守河我豈得渡哉尋攻通天景陽門又攻陳橋封邱  
衛州門大金志紀宋少帝請為伯姪國效質納地增歲幣  
請和遂割太原中山河間三鎮書用伯姪禮以康王  
構太宰張邦昌為質沈晦以誓書三鎮地圖至軍中  
歲幣割地一依定約金史本傳二月丁酉與宋平退軍孟  
陽是夜姚平仲兵四十萬來襲候騎覺之分遣諸將  
迎擊大破平仲軍復進攻汴城問舉兵之狀少帝大

恐使宇文虛中來辨曰初不知其事且將加罪其人

宗望輟弗攻改肅王樞為質康王構遣歸師還河北

兩鎮不下遂分兵討之罷常勝軍傳有宗望字給還此依宏簡錄

燕人田業命將士分屯安肅雄霸廣信之境已還史作

宗望此依宏簡錄山西金史本傳常勝軍三千人乃遼人叛歸宋

至是又叛歸金宗望乃遣各人還歸本土居住為名

問曰天祚待汝如何曰甚厚趙皇如何曰尤厚宗望

曰天祚待汝厚汝反趙皇待汝尤厚汝又反我今以

金帛與汝等汝定是亦反我無用爾等於是皆惶恐

而退既行遂遣四千騎以搽檢器械為名於松亭關

皆殺之或云太子本仁慈此受粘罕教使也大金志傳未

幾為右副元帥有功將士遷賞有差金史本傳八月詔復

伐宋會諸將發自保州耶律鐸破宋兵三萬於雄州

殺萬餘人納延原作那野敗宋軍七千於中山高陸原作高六

董才又破宋兵三千於廣信降其軍又旁近縣鎮宋

种師閔軍四萬駐井陘宗望大破之遂取天威軍東

還克真定殺知府李邈得戶三萬降其五縣宏簡錄劉

彥宗勸宗望試真定儒士七十二人授以敕命大金志紀

遂自真定趨汴十一月戊辰宗望至河上降魏縣諸

軍渡河留諸將分出大名之境降臨河縣至大名縣

德清軍開德府皆克之金史本傳阿里庫原作阿里以騎兵

三千取胙城先趨汴破宋軍六千於路抵城覆宋兵

千人擒其數將因分遣諸將過宋援兵閏月壬辰朔

宋兵一萬自汴京出戰選勁勇五千使當堪呼嚕原作

忽魯楚古爾原作雖古失擊敗之宏簡錄駐軍劉家寺粘罕繼

至環城列柵分地為攻拔之計大金志傳丙辰宋京師破

大金志紀破城時屢欲血洗數次登門望城中有黃旗兵

將在空中不可洗遂止然主洗城者粘罕與劉監軍

太子不與焉蓋其性善耳大金志傳辛酉宋少帝詣軍前

十二月癸亥宋帝奉表降上使勛就軍中勞賜四月

大軍北還分諸將鎮守河北宗望乃西上涼涇宏簡錄

詔曰自河之北今既分畫重念其民見城邑有被殘

者遂阻命堅守其申諭招集安全之儻堅執不移自

當致討若諸軍敢利於俘擄輒肆毀蕩者當底於罰

金史六月庚辰太宗紀宗望薨宗望打毬冒熱以水沃

胸背致傷寒大金志往御寨離燕山七百里到涼殿病

亡族人皆斃面號哭趙子砥燕雲錄天會十三年封魏王皇

統三年進許國王又徙封晉國王天德二年晉太師

加遼燕國王配享太宗廟廷正隆二年例降封大定

三年改封宋王諡桓肅圖像衍慶宮五字依詳子齊校本增

文京金史本傳

齊本名舒蘇原作受速長身美髯天眷三年以宗室子授

鎮國上將軍皇統元年遷光祿大夫正隆六年遷銀

青榮祿大夫大定初遷特進加武安軍節度使留京

師奉朝請齊以近屬上所寵遇而性庸滯無材能大

定三年罷節度官給三品俸累官特進卒弟文金史本傳

本名呼喇原作胡刺皇統閒授世襲穆昆加奉國上將軍

文本傳歷官昌武武定二軍節度使留京師奉朝請降

德州防禦使宏簡錄京本名呼嚕原作忽魯累遷特進除翰

林學士承旨兼修國史加開府儀同三司京本傳歷工

禮兵三部尙書判大宗正事封曹王除河間尹正隆  
例降藩國公北京留守居喪起復益都尹降灤州刺  
史改絳陽軍節度使世宗卽位來見於桃花塢復判  
大宗正事封壽王宏簡錄皆以謀反誅世宗盡以其家  
財產與齊之子耀珠原作齧住詔齊妻曰汝等皆當緣坐  
有至大辟及流竄者朕念宋王故置而不問且以其  
家財產賜汝子宜悉朕意十五年上召英王爽謂曰  
卿於諸王公主女子中爲耀珠擇婚其禮幣命有司  
給之俄襲叔父京山東西路特默齊原作徒母堅明安金史  
傳本

宗磐本名富勒呼

原作蒲魯虎

太宗子天輔五年都統杲

取中京宗磐與宗翰宗幹宗望皆爲之副

史有幹魯字無宗望

字此依本紀改

天會十年爲古倫烏赫哩

原作國倫胡魯

貝勒熙宗

卽位爲尙書令封宋國王未幾拜太師與宗幹宗翰  
並領三省事熙宗優禮宗室宗翰沒後宗磐日益跋  
扈嘗與宗幹爭論於上前卽上表求退烏頁奏曰陛  
下富於春秋而大臣不協恐非國家之福熙宗因爲  
兩解宗磐愈驕恣其後於熙宗前持刀向宗幹都點  
檢蕭仲恭呵止之旣而左副元帥達蘭原作撻懶東京留  
守宗雋入朝宗磐陰相黨與而宗雋遂爲右丞相用

事達蘭屬尊功多先薦劉豫立為齊帝至是復倡議以河南陝西地與宋使稱臣熙宗命羣臣議宗室大臣皆言其不可獨宗磐宗雋助之卒以與宋其後宗磐宗雋達蘭謀作亂宗幹希尹原作古新發其事熙宗下詔誅之坐與宴飲者皆貶削決責有差赦其弟呼拉布原作斛魯補等九人並赦達蘭出為行臺左丞相皇后生日宰相諸王妃主命婦入賀熙宗命去樂曰宗磐等皆近屬輒構逆謀情不能樂也以黃金合及兩銀鼎獻明德宮太皇太后並以金合銀鼎賜宗幹希尹焉金史本傳

宗固本名呼嚕原作胡魯天會十五年為燕京留守封幽

王皇統二年為判大宗正三年為太保右丞相兼中

書令是歲薨金史本傳其弟宗磐宗雅本名呼拉布原作斛魯

補封代王宗偉本名阿里布原作魯補封虞王宗英本

名呼沙呼原作沙虎斛封滕王宗懿本名阿林原作阿鄰封薛

王宗本本名阿嚕原作阿魯封原王呼蘭原作鶻懶封翼王宗

美本名呼爾察原作里甲封豐王實圖美原作土門封鄆

王哈必蘇原作李東斛封霍王沃哩原作韓烈封蔡王宗哲本

名和碩原作鶻沙封畢王皆天眷元年受封宗順本名阿

嚕岱原作魯帶阿天會二年薨皇統五年贈金紫光祿大

夫後封徐王宗磐既誅熙宗使宗固子京往燕京慰諭宗固既而翼王呼蘭復與行臺左丞相達蘭等謀反伏誅因降封太宗諸子且下詔曰燕京留守幽王宗固等或謂當絕屬籍朕所不忍宗固等但不得稱皇叔其母妻封號從而降者審依舊典復封宗雅爲代王海陵在熙宗時見太宗諸子勢彊而宗磐尤跋扈與呼蘭相繼皆以逆誅心忌之熙宗厚於宗室禮遇不衰海陵嘗與秉德唐古辯私議主上不宜寵遇太宗諸子太甚及篡立謁奠太廟韓王亨素號材武使攝右將軍密諭之曰爾勿以此職爲輕朕疑太宗

諸子太彊得卿衛左右可無慮耳遂與秘書監蕭裕

謀去宗本兄弟太宗諸子於是焉盡

金史本傳

君子於此

可以觀世變矣

金史傳贊



吉林通志卷七十九

人物志八 金七

希尹

守貞

宗幹

充

永元

襄

袞

宗弼

亨

偉

達蘭

希尹本名古新

原作谷神  
金史本傳

一名悟室

原作兀室  
大金國志罕都

原作之子也

金史本傳

母妊三十四月生名曰悟室乃三

十也長而身七尺餘言如巨鐘面貌長而黃色少鬚

髯常閉目坐怒睛如環神麓記而夜有光為人深密多

智大金志動靜禮法軍旅之事暗合孫吳自謂不在張

良陳平之下神麓記自太祖舉兵常在行陣金史本傳同為

謀主大金志或從太祖或從薩哈原作撒改或與諸將征伐

比有功金史本傳金人初無文字國勢日強與鄰國交好

迺用契丹字太祖命希尹撰本國字備制度希尹乃

依仿漢人楷字因契丹字制度合本國語製女直字

天輔三年八月字書成太祖大悅命頒行之賜希尹

馬一匹衣一襲其後熙宗亦製女直字與希尹所製

字俱行用希尹所撰謂之女直大字熙宗所撰謂之

小字金史本傳滅遼國為先鋒逕進入新川州節度使王

從輔詣降又從破東京上京大金志遼人達魯原作迪

尙伊勒希原作雅里斯棄中京走希尹與實古納原作迪

羅索原作婁室伊都原作余覩襲之達魯等聞希尹兵復走遂

降其旁近人民而還金史本傳奚人羅和原作落虎來降復使

招其父西節度使額哩埒原作訛里刺以本部降宏簡錄天

輔六年二月太祖紀宗翰駐軍北安遣希尹經略近地

獲遼護衛實納埒原作習泥烈知遼主獵於鴛鴦灤金史本傳

以其子晉王賢而有人望惡而殺之眾益離心雖有

西北西南兩路兵馬皆羸弱進兵襲之太祖遼主以

輕騎遞去宗翰襲遼帝於五院司希尹為前驅金史本傳

所將纔八騎與戰一日三敗之降人瑪展原作麻吉言遼

主在漠委輜重將奔西京追至伊蘇原作乙室部不及而

還宏簡錄七年二月宋使趙良嗣來請加歲幣以代燕

稅及議畫疆并計議西京等事太祖紀趙良嗣至軍前

希尹曰皇帝言趙皇大度我增百萬一言不辭今求

西京何辭以拒然其民卻待遷去良嗣曰若止空城

安用之希尹笑曰此無他皇帝意欲南朝犒賞諸軍

耳未幾以燕山六州歸於宋先是盧益與宵木割至

燕山金人止之以候犒師金帛已乃得見希尹等索

百萬租賦方交割城子宋使趙良嗣請以十萬之數

希尹笑而不答復云二十萬希尹曰此一小縣之數

也皇帝已與兩府議不須論租賦止於歲幣外增一

百萬緡儻有難色不如且畫契丹故疆良嗣力爭不

勝自是國中有背盟意卒啟兵端大金國志天會二年遼

主天祚率諸軍出夾山南下武州遇希尹軍戰於奄

遏下水希尹率山西漢兒鄉兵為前驅以國兵千餘

騎伏山間遼兵驚潰天祚奔山金司與小胡魯謀南

歸精兵五千人希尹遣婁室勃堇領五百騎擊之殲

馬遂禽天祚大金國志及宗翰入朝希尹權西南西北兩

路都統是時夏人已受盟遼主已獲耶律達實原作大石

自立而夏國與羅索書責諸帥棄盟軍入其境多掠

取者希尹上其書且奏曰聞夏使人約達實取山西

諸部以臣觀之夏盟不可信也上曰夏事酌宜行之

軍入其境不知信與否也達實合謀不可不察其嚴

備之金史本傳其後伊都謀反希尹自雲中間其事見二

人交馬議事伊都事覺伏誅大金志傳及大舉伐宋希尹

為元帥右監軍再伐宋執二主以歸師還賜希尹鐵

券除常赦史作當赦依宏簡錄改不原之罪餘釋不問宗翰伐

康王希尹追之於揚州康王遂去後與宗翰俱朝京

師請立熙宗為儲嗣太宗遂以熙宗為安班貝勒及

熙宗即位希尹為尚書左丞相兼侍中加開府儀同

三司希尹為相有大政皆身先執咎天眷元年乞致

仕不許罷為興中尹二年復為左丞相兼侍中俄封

陳王與宗翰共誅宗磐宗雋金史本傳希尹嘗副宗翰用

事雖為諸將所忌而嘗以智得免宗翰以下皆不能

及也然熙宗畏其智數深切忌之大金國志三年賜希尹

詔略曰金史本傳開府儀同三司尚書左丞相陳王希尹

猥以軍旅之勞寢備宰輔之列陰懷險忍出其天資

蔑視同寮事輒異論密植黨與肆為誕謾外擅國家之利內睽骨肉之恩日者帥臣密奏奸狀已萌心在無君言宣不道逮燕居而竊議謂神器以何歸稔於聽聞遂致彰敗金史節要遂賜死并殺右丞蕭慶并希尹子金史本傳昭武大將軍宏簡錄同修國史巴達原作把答符寶郎滿達原作漫帶是時熙宗未有皇子故嫉希尹者以此言譖之金史本傳初客星守魯希尹占之太史曰不在我分野外方小災無傷未幾七月宋兗魯虞滕諸王同日誅死至九月客星守陳太史以告宇文文文以語之希尹不以為怪是月果同蕭慶誅其應天道如此

大金國志皇統三年上知希尹實無他心而死非其罪金史

本傳宗憲復以為言本紀贈希尹儀同三司邢國公改葬

之蕭慶銀青光祿大夫天德三年追封豫王正隆二

年例降金源郡王大定十五年諡貞憲金史本傳圖像衍

慶宮配享太祖廟廷依詳校本增明昌五年正月以頁魯

原作頁魯希尹為女直字詔加封贈陳言者謂頁魯希尹

二賢勅置女直文字乞各封贈名爵建立祠廟令女

直漢人諸生隨拜孔子之後拜之有司謂頁魯難以

致祭若金源郡貞獻傳作貞憲王希尹則已配享太廟矣

亦難特立廟也有旨令再議之禮官言前代無勅製

文字入孔子廟故事如於廟後或左右置祠令諸儒就拜亦無害也尚書省謂若如此恐不副國家厚功臣之意遂詔令依蒼頡立廟於盤屋例爲立廟於上京納爾琿莊金史禮志歲時致祭令其子孫拜奠本路官一人及本千戶春秋二祭章宗紀所用諸物從宜給之

金史禮志孫守道守貞守能守道自有傳金史本傳

守貞本名蘇頁宏簡錄作左廕貞元二年襲祖穆昆大定初

充符寶祇候宏簡錄授通進除彰德軍節度副使遷北

京留守移上京金史本傳坐娶安置契丹戶民女杖責除

名宏簡錄二十五年起爲西京警巡使世宗愛其剛直

授中都左警巡使遷大興府治中進同知政同知西京留守事御史臺奏守貞治有善狀世宗因謂侍臣曰守貞勲臣子又有材能全勝其兄守道他日可用也章宗卽位召爲刑部尚書兼右諫議大夫守貞與修起居注張暉奏言唐中書門下入閣諫官隨之欲其預聞政事有所開說又起居郎起居舍人每皇帝視朝左右對立有命則臨階俯聽退而書之以爲起居注緣侍從官每遇視朝正合侍立自來左司上殿諫官修起居注不避或侍從官除授及議便遣始令避之比來一例令臣等迴避及香閣奏陳言文字亦

不令臣等侍立則凡有聖訓及所議政事臣等無緣得知何所記錄何所開說似非本設官之義若漏泄政事自有不密罪上從之尋爲賀宋生日使還拜參知政事金史本傳時上新政銳意於治嘗問漢宣帝綜核名實之道因誦樞機詳密品式詳備以對上曰行之果何始答曰在陛下厲精無倦耳宏簡錄久之進尙書左丞授上京世襲穆昆明昌三年夏旱天子下詔罪已守貞惶恐表乞解職詔曰天嗇時雨荐歲爲災所以警懼不逮方與二三輔弼圖回遺闕宜思有以助朕修政上答天戒消沴召和以康百姓卿達機務朕

所親倚而引咎求去其如思助何守貞懇辭乃出知

東平府命參知政事瓜爾佳

原作夾谷

衡論之曰卿勳臣

之裔早登臚仕才用聲績朕所素知故嗣位之初擢任政府於今數載毗贊實多既久任繁劇宜均適逸安矧內外之職亦當更治今特授卿是命東平素號雄藩兼比年饑歉正賴經畫卿其爲朕往綏撫之仍賜金幣廩馬以寵其行他日上問宰臣守貞治東平如何對曰亦不勞力上曰以彼之才治一路誠有餘矣右丞劉暉曰方今人才無出守貞者淹留於外誠可惜也上默然尋改西京留守監察御史富拉塔

原作

蒲刺 劾奏守貞前賜北部有所受事不報右拾遺路  
鐸上章辯之四年召拜平章政事封蕭國公上御後  
閣召守貞曰朕以卿乃太師所舉故特加委用然比  
者行事多太過門下人少慎擇復與丞相不協以是  
令卿補外載念我昭祖太祖開勦以來乃祖佐命積  
有勲勞茲故召用卿其勉盡乃心與丞相議事宜相  
和諧率循舊章毋輕改革因賜玉帶併以富拉塔所  
彈事與之曰朕度卿必不爾故以示卿舊制監察御  
史凡八員漢人四員皆進士而女直四員則文資右  
職參注守貞曰監察乃清要之職流品自異俱宜一

體純用進士一日奏事次上問司吏移轉事守貞曰  
今吏權重而積弊深移轉爲便上嘗歎文士卒無如  
党懷英者守貞奏進士中若趙沨王庭筠甚有時譽  
上曰出倫者難得爾守貞曰間世之才自古所難國  
家培養久則人材將自出矣守貞因言國家選舉之  
法惟女直漢人進士得人居多此舉更宜增取其諸  
司局承應人舊無出身大定後才許敘用史作敘使  
此依宏簡  
錄  
經童之科古不常設唐以諸道表薦或取五人至  
十人近代以爲無補罷之本朝皇統間取及五十人  
因爲常選天德間尋又停罷陛下卽位復立是科朝



廷放及百數誠恐積久不勝銓擬宜稍裁減以清流  
品又言節用省費之道並嘉納焉先是鄭王允蹈等  
伏誅上以其家產均給諸王戶部郎中李敬義言恐  
因之生事上又以董壽爲宮籍監都管勾並下尙書  
省議守貞奏陛下欲以允蹈等家產分賜懿親恩命  
已出恐不可改今已減諸王弓矢府尉司其出入臣  
以爲賜之無害如董壽罪人也特恩釋之已爲幸矣  
不宜更加爵賞上是守貞所言自明昌初北邊屢有  
警或請出兵擊之上曰今方南議塞河而復用兵於  
北可乎守貞曰彼屢突軼吾圍今一懲之後當不復

來明年可以見矣上因論守禦之法守貞曰惟有皇  
統以前故事捨此無法爾守貞讀書通法律明習國  
朝故事時金有國七十年禮樂刑政因遼宋舊制雜  
亂無貫章宗卽位乃更定修正爲一代法其儀式條  
約多守貞裁訂故明昌之治號稱清明又喜推轂善  
類接援後進朝廷正人多出入門下先是上以疑忌  
誅鄭王允蹈後張汝弼妻高托噶原作陀獄起意又若  
在鎬王允中時右諫議大夫賈守謙上疏陳時事思  
有以寬解上意右拾遺路鐸繼之言尤切直帝不悅  
守貞持其事獄久不決帝疑有黨乃出守貞知濟南

府事仍命卽辭前舉守貞者董師中路鐸皆補外上  
語宰臣曰守貞固有才力至其讀書方之眞儒則未  
也然太邀權譽以彼之才而能平心守正朝廷豈可  
少離今茲令出蓋思之熟矣俄以在政府日嘗與近  
侍竊語宮掖事而妄稱奏下上命有司鞫問守貞款  
伏奪官一階解職遣中使持詔責諭之曰挾姦罔上  
古有常刑史作古人依詳校本改結援養交臣之大戒孰謂予  
相乃蹈厥辜爾本出勳門寢登臚仕朕初嗣位亟欲  
用卿未閱歲時陞爲宰輔每期納誨共致太平蓋求  
所長不考其素拔擢不爲不峻任用不爲不專曾報

效之弗思輒私權之自樹交通近侍密問起居窺測  
上心預圖趨向繇患失之心重故欺君之罪彰指所  
無之事而妄以肆誣實未始有言而謂之嘗諫義豈  
知於歸美意專在於要君其飾詐之若然豈爲臣之  
當爾復觀彈奏益見私情求親識之援而列布宮中  
縱罪廢之餘而出入門下而又凡有官使斂爲已恩  
謂皆涉於回邪不宜任之中外質之清議固所不容  
揆之乃心烏得無愧姑從輕典庸示薄懲金史本傳承安  
元年降授河中防禦使五年改傅勒和扎薩克原作羅  
火扎石合節度使久之遷知大興府事史作都府依詳校本改時南

鄙用兵山東重地須得大臣安撫復移知濟南卒宏簡

錄上聞而悼之敕有司致祭賻贈禮物依故平章政

事富察原作通例諡曰肅守貞剛直明亮凡朝廷議

論及上有所問皆傳經以對上嘗與泛論人材守貞

乃迹其心術行事臧否無少隱故為胥持國輩所忌

竟以直罷後趙秉文由外官入翰林遽上書言願陛

下進君子退小人上問君子小人謂誰秉文對君子

故相完顏守貞小人今參知政事胥持國金史帝甚

嘉之守道曹昂賦冷巖相公所居詩云或為孟或為

鍾人心自與山本同天清雲遠望不極小孤宛在江

流中澗之毛可筐筥山之木可斤斧唯有白雲高崔

嵬風吹不消自太古峴山何奇羊子所攀東山何秀

謝公往還今爾胡為藉甚乎人間吁嗟乎冷山注冷

巖賢宰相宗室守貞自號也中州集其為天下推重如

此金史

宗幹本名幹布原作太祖庶長子金史次室費摩原作

裴氏生宏簡錄太祖伐遼遼人來禦遇於境上使宗

幹率眾先往填塹士卒畢度渤海軍馳突而前左翼

七穆昆少卻遂犯中軍杲輒出戰太祖曰遇大敵不

可易也使宗幹止杲宗幹馳出杲前控止導騎齎達

馬杲乃還達嚙噶

原作達魯古

城之戰宗幹以中軍為疑

兵太祖既攻下黃龍府即欲取春州遼主聞黃龍不

守大懼即自籍宗賊豪右少年與四方勇士及能言

兵者皆隸軍中宗幹勸太祖毋攻春州休息士卒太

祖以為然遂班師宗幹得降人言泰州無守備可取

於是舍音

原作斜也

取泰州宗雄宗幹下金山縣宗雄即

以兵三千屬宗幹招集未降諸部宗幹擇土人之材

幹者以詔書諭之於是孟古

原作女固

脾室四部及渤海

人皆降太祖克臨潢府至沃赫

原作沃黑

河宗幹諫曰地

遠時暑士罷馬乏若深入敵境糧餽不繼恐有後艱

上從之遂班師從都統杲取中京

金史本傳

宗翰移書於

杲請進兵使者再往

杲傳

杲不能決宗幹謂杲曰伊拉

齊

原作移賚

貝勒灼見事機再使來請彼必不輕舉且彼

已發兵不可中止請從其策再三言之杲乃報宗翰

會奚王嶺

金史本傳

期於羊城灤會軍

宗翰傳

襲遼至五院

司

金史本傳

復破耿守忠兵當時無宗幹言杲終無進兵

意

宏簡錄

太宗即位以宗幹為古倫

原作國論

貝勒與舍音

同輔政天會三年

金史本傳

遼主既獲

宏簡錄

始議禮制度

正官名定服色興庠序設選舉治厯明時皆自宗幹

啟之四年官制行詔中外十年熙宗為安班貝勒宗

幹爲古倫左貝勒熙宗卽位拜宗幹太傅與宗翰等並領三省事天眷二年進太師封宋國王入朝不拜策杖上殿仍以杖賜之宗幹有足疾詔設座奏事無何監修國史皇統元年賜宗幹輦輿上殿制詔不名上幸燕京宗幹從有疾上親臨問自燕京還至野狐嶺宗幹疾亟不行復臨問史作上親臨問此依宏簡錄語及軍國事上悲泣不已明日上及后同往視后親與宗幹饋食至暮而還金史本傳因赦罪囚以禳五月己酉薨宏簡錄上哭之慟輟朝七日大臣死輟朝自宗幹始上致祭是日庚戌太史奏戌亥不宜哭上不聽曰朕幼冲時

太傅有保傅之力

金史本傳

君臣之義骨肉之親豈可避

之遂哭之慟

熙宗紀

上生日不舉樂上還上京幸其第

視殯事及喪至上京上臨哭之及葬臨視之海陵篡立追謚憲古宏道文昭武烈章孝睿明皇帝廟號德宗以故第爲興聖宮大定二年除去廟號改謚明肅皇帝及海陵廢爲庶人二十二年皇太子允恭奏略曰追維熙宗世嫡統緒海陵無道弑帝自立崇正昭穆削其煬王俾齒庶人之列瘞之間曠不封不樹旣已申大義而明至公矣海陵追崇其親逆配於廟今海陵旣廢爲庶人而明肅猶竊帝尊之名列廟祧之

數海陵大逆正名定罪明肅亦當緣坐是時明肅已  
殂不與於亂臣以為當削去明肅帝號止從舊爵或  
從太祖諸王有功例加以官封明詔中外俾知大義  
書奏世宗嘉納下尙書省議於是追削明肅帝號封  
為皇伯太師遼王諡忠烈妻子諸孫皆從封降明昌  
四年配享太祖廟廷子充亮充襄亮是為海陵庶人  
金史本傳宗幹不幸而有海陵故其子孫之昌熾既鮮而  
亦不免於僂辱焉本傳贊然金國初建宗雄傳庶事草創  
禮宗幹經始之功本傳贊孰可掩哉宗翰傳贊  
充本名實圖美原作神母李氏千戶李靖之妹曰金

哥松漠紀聞嫡母圖克坦原作海陵撫為子熙宗初加

光祿大夫天眷間為汴京留守皇統間封淄國公為

吏部尙書進封代王遷同判大宗正事九年拜右丞

相是歲薨追封鄭王大定二十二年追降儀同三司

左丞相子塔納原作檀奴元努原作元奴額布勒原作補兒耶阿里

布原作阿里白

永元字愔禮本名元努原作元奴幼聰敏日誦千言皇統

元年試宗室子作詩永元中格善左氏春秋通其大

義天德初授博諾原作百女山世襲明安海陵伐宋已渡

淮軍士多亡歸而契丹叛由是疑宗室益甚已殺永

元弟塔納

原作檀奴

阿里布

原作阿里白

而永元與弟額布勒

原作耶補兒

逃匿得免世宗卽位於遼陽與額布勒俱來

歸上慰勞甚厚授宗正丞改符寶郎爲灤州刺史授世襲明安乞以穆昆與額布勒詔許之轉棧州防禦使泰甯軍節度使張宏信通檢山東專以多得民間物力爲功督責苛急永元面責宏信曰朝廷以差調不均立通檢法今使者所至以殘酷妄加農民田產箠擊百姓有至死者市肆賈販有贏虧田園屋宇利入有多寡故官子孫閉門自守使與商賈同處上役豈立法本意哉宏信無以對自是棧州賦稅得以實

自占遷震武軍節度使大定六年丁母憂起服崇義

軍節度使徙順義軍朔州西境多盜而猾吏大姓又

蠹獄訟

又字依詳校本增

督亂賦役永元剔其宿姦百姓安

金史本傳

會與濬州防禦使幹論坐孳畜小過俱解職

頃之起爲保大軍節度使歷昭義絳陽震武軍遷濟

南尹北京副留守改興中尹終彰德軍節度使年五

十一

宏簡錄

喪過中都遣使致祭賻銀三百兩綵十端

絹百匹永元歷典大藩多知民間利害所至稱治相

棧順義政迹尤著其民並爲立祠

金史本傳

亮本名梧桐皇統七年爲左副點檢轉都點檢九年

爲會甯牧改左宣徽使海陵篡立充使宋還拜司徒  
兼都元帥領三省事進拜太尉金史本傳賜以太祖妃蕭  
氏財產宏簡錄罷都元帥府立樞密院充爲樞密使太  
尉領三省事如故天德四年十二月晦薨明日貞元  
元年元旦海陵爲兗輟朝不受賀宋夏高麗回鶻賀  
正旦使命有司受其貢獻又進兗王爵大定二十二  
年追降特進子阿哈大定中爲符寶祗候俄遷同知  
武定軍節度使上曰汝歲秩未滿朕念乃祖乃父爲  
汝遷官勿爲不善當盡心學之金史本傳  
襄本名永慶海陵母弟爲輔國上將軍卒天德三年

追封衛王再贈司徒大定二十二年追降銀青光祿

大夫子和尙應封國公賜名樂善金史本傳大定間家奴

小僧月一妄言和尙寢有異徵襄妃僧酷以爲信然

召日者李端卜之云當爲天子司天張友直亦云當

大貴別奴李添壽上變下僧酷和尙於獄驗問有狀

皆伏誅宏簡錄上曰朕嘗痛海陵翦滅宗族今和尙所

爲如此欲貸其罪則妖妄誤惑愚民者便以爲真不

可不滅朕於此子蓋不得已也傷閔者久之金史本傳

袞本名富勒堅原作蒲甲亦作博洽桀驁强悍金史本傳初爲

輔國上將軍天德初加特進封王爲吏部尙書判大



宗正事坐語禁中起居狀與承旨宗秀護衛麻吉小

底王之章皆決杖有差宏簡錄未幾授明安及遷中都

道中以爲西京留守西京兵馬完顏穆隆阿原作謀盧瓦

與富勒堅有舊同在西京遂相往來富勒堅嘗以玉

帶遺之金史本傳稱其驍勇不減尉遲敬德編修官圖福

努原作福奴之妻與富勒堅姻戚圖福努嘗戒富勒堅曰

大王名太彰宜少謙晦金史本傳家奴哈里原作喝里知海陵

疑之乃上變言與穆隆阿等謀反嘗召日者問天命

御史大夫高楨刑部侍郎耶律賽音原作耶律慎就西京

鞠之無狀海陵怒使人往械至中都不復究問斬之

於市金史本傳

宗弼本名烏珠原作幹啜又作兀朮亦作幹出或作晃幹

出太祖第四子也金史本傳元妃烏庫哩原作烏古論氏生宏簡

錄生時穹廬中鬱鬱有氣爲人豪蕩膽勇過人猿臂

善射遇戰酣出入陣中部眾憚之大金志傳同兄宗望在

軍嘗率百騎馳擊盧亨古伊勒希原作野里斯等敗之矢

盡奪遼兵士槍獨殺八人仍同襲取遼主於鴛鴦灤

錄宏簡既滅遼駸駸氣燄虎視中原大金志紀及宗望伐宋

宗弼從軍取湯陰縣降其卒三千人至御河宋人已

焚橋不得渡克爾叟原作合魯索以七十騎涉之殺宋焚

橋軍士五百人宗望遣吳孝民入汴諭宋人宗弼以  
三千騎薄汴城宋上皇出奔選百騎追之弗及獲馬  
三千而還金史本傳復從宗輔徇地淄青敗宋鄭宗孟數  
萬眾遂克青州復破賊將趙成并黃瓊軍取臨朐軍  
還遇敵三萬於河上擊敗之殺萬餘人宏簡錄天會六  
年七月宋主遣使奉表請和詔進兵伐之太宗紀宗弼  
攻開德府糧乏轉攻濮州前鋒烏凌阿原作烏林荅托雲  
原作破王善二十萬眾遂克濮州降旁近五縣金史本傳  
復攻開德府先登奮擊破之攻大名軍復先登河北  
平宏簡錄宋主自揚州奔於江南宗弼軍分道伐之進

兵歸德城中有自西門北門出者當堪原作當海復敗之

乃絕隍築道列礮隍上將攻之城中人懼遂降金史本傳

又攻下睢陽至壽春宋安撫使馬世元率官屬出迎

進下廬州再降巢縣王善軍宏簡錄當堪等破酈瓊萬

餘眾於和州渡江將至江甯西二十里宋杜充率步

騎六萬來拒戰呼拉布原作呼盧補當堪達呼原作迪虎大臭

合擊破之宋陳邦光以江甯府降留長安努原作安奴

烏哩雅原作里也守江甯使阿里布原作魯補烏哩雅別

將兵徇地下太平州濠州及句容溧陽等縣沂江而

西屢敗張永等兵杜充遂降宗弼自江甯取廣德軍

路金史本傳進兵過獨松嶺曰南朝可謂無人若以羸兵

數百守此吾豈能遽渡哉大金志紀追襲宋主於越州至

湖州取之金史本傳遂至餘杭官守巨室皆逃去遂克杭

州留城中宋主走入於海分麾下兵會攻明州克之

而自引兵取秀州與平江宏簡錄回至鎮江韓世忠以

舟師扼江口宗弼舟小契丹漢軍沒者二百餘人金史

本傳於是宗弼循北岸世忠循南岸且戰且行世忠艤

艤大艦數倍宗弼軍出宗弼軍前後數里擊柝之聲

自夜達旦世忠以輕舟挑戰一日數接將至黃天蕩

乃因老鸛河故道開三十里通秦淮一日一夜而成

金史本傳次早出舟世忠尾擊敗之大金志紀宗弼刑白馬殺

婦人自刃其額以祭天大金志傳終不得濟乃揭榜募人

獻所以破海舟之策有教其於舟中載土以平版鋪

之穴船板以權槩俟風息則出江有風則勿出海舟

無風不可動也以火箭射鷁蓬則不攻自破矣一夜

造火箭成是日引舟出江其疾如飛天霽無風海舟

皆不動以火箭射鷁蓬世忠軍焚溺而死者不可勝

數世忠與餘軍至瓜州棄舟而陸奔宗弼輜重自瓜

州舳艫相銜至六合不絕大金志紀渡江北還金史本傳左監

軍達蘭原作撻懶諳其無功欲再侵江南大金志傳方躡躅江

上未有進退之計會聞宋人出陝右因而應之大金志紀

遂從宗輔定陝西與張浚戰於富平宗弼陷重圍中

韓常流矢中目怒拔去其矢血淋漓以土塞創金史本傳

宗弼躍馬奮呼俱出搏戰遂敗浚軍宏簡錄又與阿里

布招降熙河涇原兩路及攻吳玠於和尚原抵險不

可進方退軍遇伏行三十里將至平地宋軍陣於山

口宗弼大敗將士多戰沒明年復攻和尚原克之天

會十五年為右副元帥封藩王天眷二年自軍中入

朝拜都元帥進封越國王宏簡錄察知達蘭與宋人交

通賂遺以河南陝西地與宋奏請誅達蘭復舊疆是

時宗磐已誅達蘭在行臺復與呼蘭原作鶻懶謀反會置

行臺於燕京詔宗弼為太保領行臺尚書省都元帥

如故往燕京誅達蘭達蘭自燕京南走將亡入於宋

追至祁州殺之詔諸州郡軍旅之事決於帥府民訟

錢穀行臺尚書省治之宗弼兼綜其事遂議南伐太

師宗幹以下皆曰構蒙再造之恩不思報德妄自鴟

張祈求無厭今若不取後恐難圖上曰彼將謂我不

能奄有河南之地且都元帥久在方面深究利害宜

即舉兵誅之遂命元帥府復河南疆土金史本傳詔由黎

陽趨汴遣孔彥舟下汴鄭兩州王伯龍取陳州李成

取洛陽自率眾至亳州及順昌府嵩汝等州相次皆

下因天暑還軍於汴河南平宏簡錄時天眷三年也金史

本傳是秋宗弼再提兵與宋將岳飛戰至朱仙鎮得宋

朝班師詔而還大金志紀上遣使勞問加太保有功將士

三千並授忠勇校尉又攻克石嵐保德九月壬寅宏簡錄

宗弼入朝是時上幸燕京見於行在所居再旬宗

弼還軍上起立酌酒飲之賜以甲冑弓矢及馬二匹

已啟行四日召還至日希尹原作金史本傳初宗翰朝

辭已畢眾官餞於燕都檀州門裏宗弼甲第酒酣皆

各歸惟希尹獨留嗜酒齧宗弼首曰鼠輩豈容我齧

哉汝之軍馬能有幾何天下之兵皆我也言語相及

宗弼佯醉急走次早以辭皇后為名泣告皇后后曰

叔且行容款奏帝爾宗弼至良鄉召還二字從本傳節密奏

帝入希尹所居宅第執而數之賜死神麓記越五日宗

弼還軍進伐淮南克廬州金史本傳敗於柘皋大金志傳退屯

於紫金山大金志紀復朝燕京詔與宰相同入奏事拜左

丞相兼侍中兼修國史詔以燕京復隸尙書省西京

及山後諸郡部族隸元帥府七月己酉還軍宏簡錄遂

伐江南渡淮以書責讓宋人宋人答書乞加寬宥金史

本傳復以書抵秦檜曰爾朝夕請和而岳飛方為河北

圖必殺岳飛而後可和檜既奏誅飛及張憲岳雲大金

志宗弼令宋主遣信臣來稟議宋主乞先斂兵許做

邑拜表闕下金史本傳宋遣莫將周聿往京西充割地使

割唐鄧等州入於金又割商秦州和尚方山原入於

金宋止存上津豐陽天水三邑及隴西成紀餘地而

已大金志宗弼以便宜約以畫淮水為界皇統二年二

月熙宗紀宗弼朝京師宋主遣端明殿學士何鑄容州

觀察使曹勛等本傳無曹勛字依王倫傳增入進誓表其表曰臣構

言今來畫疆令以淮水中流為界西有唐鄧州割屬

上國自鄧州西四十里并南四十里為界屬鄧州其

四十里外并西南盡屬光化軍為做邑沿邊州城既

蒙恩造許備藩方世世子孫謹守臣節每年皇帝生

辰并正旦遣使稱賀不絕歲貢銀絹二十五萬兩正

自壬戌年為首每春季遣人般送至泗州交納有渝

此盟明神是殛墜命亡氏踣其國家臣今既進誓表

伏望上國蚤降誓詔使做邑永有憑焉宗弼進拜太

傅迺遣左宣徽使劉筈使宋以袞冕圭寶佩璫玉册

册康王為宋帝其册文曰皇帝若曰咨爾宋康王趙

構不弔天降喪於爾邦亟瀆齊盟自貽顛覆俾爾越

在江表用勤我師旅蓋十有八年於茲朕用震悼斯

民其何罪今天其悔禍誕誘爾衷封奏狎至願身列  
於藩輔今遣光祿大夫左宣徽使劉筭等持節册命  
爾爲帝國號宋世服臣職永爲屏翰嗚呼欽哉其恭  
聽朕命仍詔天下賜宗弼人口牛馬各千駝百羊萬  
每歲宋國進貢內給銀絹二千兩疋表乞致仕不許  
優詔答之賜以金券七年爲太師領三省事都元帥  
領行臺尙書省如故八年薨海陵時使施宜生撰墓  
銘施宜生傳大定十五年諡忠烈十八年配享太祖廟廷  
金史本傳圖像衍慶宮禮志子伯特金史本傳宗弼蹙宋主於海  
島卒定畫淮之約熙宗舉河南陝西以與宋人矯而

正之者宗弼也宗翰死宗磐宗雋達蘭湛溺富貴人  
人有自爲之心宗幹獨立不能如之何時無宗弼金  
之國勢亦曰殆哉世宗嘗有言曰宗翰之後惟宗弼  
一人非虛言也本傳贊初宗弼病篤親筆遺四行府帥  
曰吾天命壽短恨不能與國同休少年勇銳冠絕古  
今事先帝南征北討爲大元帥左都監行營號太子  
軍東游海島南巡杭越西過興元北至小不到雲城  
今契丹漢兒侍我久服心於吾吾大慮者南宋近年  
軍勢雄銳有心爭戰聞韓張岳楊列有不協國朝之  
幸我今危急雖有其志命不可保遺言於汝等我死

後宋若敗盟大舉北來乘勢惑中原人心復故土如反掌不爲難矣吾囑付汝等切宜謹守勿忘我戒如宋兵果勢盛敵強擇兵馬破之若制禦所不能向與國朝計議擇用智者爲輔遣天水郡王安坐汴京其理無有弟與兄爭如尙悖心可輔天水郡王併力破敵如此又可安中原人心亦未深爲國患無慮者一也宋若守我誓言奉國朝命令時通國信益以和好悅其心目不數歲後供需歲幣色色往來竭其財賦安得不重斂於民江南人心奸狡既擾亂非理人心必作叛亂無慮者二也十五年後南軍衰老縱用賢

智亦無驅使無慮者三也俟其失望人心離怨軍勢

隳壞然後觀其舉措此際汝宜一心選用精騎謀用

材略備其水陸取江南如拾芥何難爲哉爾等切記

吾囑吾昔南征目見宋人兵器大妙者不過神臂弓

次者重斧外無所畏今付樣造之元帥死贈大孝昭

烈皇帝征蒙記順昌之戰金人震懼宗弼故亟欲和意

捐燕以南棄之而秦檜亟班師一時名將誅翦罷逐

不遺餘力大金志觀宗弼臨終堅守和好之說大金志蓋

深幸南人未知北間事耳韓常傳然洪皓在燕密奏金

國厭兵終卑詞厚幣屈節議和南北之不復合豈非



天哉大金志紀

亨本名伯特原作李迭兀朮子大金志紀熙宗時封芮王為明

安加銀青光祿大夫天德初加特進海陵忌太宗諸

子將謁太廟以亨為右衛將軍金史本傳密諭之曰朕疑

太宗諸子太彊得卿衛左右可無慮耳太宗諸王傳海陵

賜良弓亨性直材勇絕人喜自負辭曰所賜弓弱不

可用海陵遂忌之出為真定尹歷中京東京留守金史

本傳家奴梁遵誣告與衛士符公弼謀反考驗無狀遵

坐誅海陵益忌之改除廣甯尹宏簡錄以李老僧為同

知廣甯尹使伺察亨構致其罪亨喜博及至廣甯與

老僧博待之甚厚老僧由是不忍致亨死罪遲疑久

之海陵再使實達爾額琳原作小底訛論促老僧乃與亨家

奴六斤謀殺亨獄中李老僧傳亨擊鞠為天下第一嘗獨

當數人馬無良善皆如意馬方馳輒投杖馬前側身

附地取杖而去每畋獵持鐵連鎚擊狐兔一日與海

陵同行道中遇羣豕曰吾能以鎚殺之擊中其腹穿

入之終以勇力見忌焉正隆六年復殺亨如圖克坦

氏原作徒單氏次妃大氏子德音原作羊蹄等三人大定初追

復亨官爵封韓王十七年詔有司改葬及妻子金史本傳

偉忠烈王兀朮之次子也此金史不載由大金志採入性耿介習

兵事大定十七年四月三日國主與太子諸王在東苑賞牡丹晉王允猷賦詩以陳和者十五人偉探知其意直前頓首言曰國家起自漠北君臣將帥皆以勇力戰爭雄略故能滅遼滅宋混一南北諸番畏懼自近年多用遼宋亡國諸臣以富貴文字壞我士俗先臣昔在順昌爲劉錡所敗便言用兵不如天會時皆是年來貪安漸爲人侮今宋所傳之主有志報復骸骨不受調役夏人亦復侵邊陛下舍戰鬪之士謂其不足與語使說文字人朝夕在側不知三邊有急把作詩人去當得否主默然左右皆駭目相顧知內

省事余萬福向前扶之曰皇帝方懼飲郎君卻作苦惱人語邪扶起去之自是文武分黨如冰炭矣承安元年内侍江淵用事太后與主皆信之淵公受賂遺除拜生殺皆出其口或以事不入則機務填塞不卽報下張克己等朝夕候其門下夏人入寇陝西喪師連年皆不卽以聞偉上疏諫在都堂慷慨謂右諫議鄭遂良等曰太宗皇帝與忠獻忠烈王百戰以有天  
下忠烈王臨終以夏人蒙人爲憂遺奏極切今乃內  
外偷安惡聞敵患獨不聞耶律趙氏將亡之時乎淵  
聞而惡之諷東臺御史劾其短除名爲民徙居代州

偉既敗中外惕息

大金志紀

昌本名達蘭

原作撻懶

穆宗子

金史本傳

武元從弟也為人驍

勇無賴少時暴橫部落苦之武元愛其雋爽從破燕

山

大金志傳

復從宗翰襲遼主於鴛鴦濼追都統瑪格

馬不及收其羣牧獲樞密使德勒岱

原作得里底

及其子

摩格

原作摩哥

納延

原作那里

以還及太祖自將襲大魚濼留

輜重於草濼使達蘭雅穆

原作牙卯

守之奚路險阻經畧

為難兵官瑋楚

原作渾黜

不能安撫其眾命為六路軍帥

鎮之時回离保部族來附餘眾奔潰命實古納

原作習古

迺博勒和

原作盧火

護送赴燕戒以若遇險阨即分兵

以行

宏簡錄

實古納博勒和迺合於達蘭

金史本傳

其後撫

定奚部及分兩路邊界表請設官鎮守上依東京渤

海例置千戶穆昆久之討噶珊

原作劾山

蘇庫

人因據險來戰殺獲殆盡其蘇庫卓琳

原作啜里

托紐

尼十三巖皆平之又遣奚馬和尙攻下品達魯古并

五院司諸部執其節度乙列詔以克副所託良用嘉

歎建州約尼扎古雅

原作昭古牙

部族乃遼外戚達蘭

擊走之獲其妻孥及官豪之家又擒殺隊將克爾叟

博斯呼

原作燥白撒葛

降民戶千餘進降金源縣詔增賜

銀牌十又降約尼二部再破興中兵降建州官屬得

山砦二十村堡五百八十扎古雅勢蹙亦降詔第將  
士功賞撫安新民達蘭請以約尼九營爲九明安上  
以都林原作奪鄰有功使領四明安扎古雅仍爲親管明  
安其五明安都帥命達蘭擇人授之達蘭與劉彥宗  
舉蕭公翊爲興中尹郡府各以契丹漢官攝治上皆  
從之乃以爲六部都統從伐宋已受宋盟還軍歸中  
京八月復征與阿里庫原作阿里攻杞縣破宋兵二萬  
覆其三營獲東京路都總管胡直孺及其二子并南  
路都統制隨師元及其二將遂克拱州降甯陵破睢  
陽下亳州宋兵復睢陽又擊走之擒其將石瑱大軍

北還宏簡錄爲元帥左監軍徇地山東取密州達呼原作

迪取單州達蘭取鉅鹿阿里庫取宗城達呼布原作

不取清平臨清蒙克原作取趙州阿里庫徇下濬滑

恩及高唐分遣諸將趣磁信德皆降之劉豫以濟南

府降詔以豫爲安撫使治東平達蘭以左監軍鎮撫

之後爲右副元帥六大事專決焉天會十五年爲左

副元帥封魯國王金史本傳張邦昌被誅詔諸將復求可

立者乃力舉劉豫及豫廢達蘭倡議以廢齊舊地界

宋宏簡錄宗弼爲都元帥再定河南陝西伐宋渡淮宋

康王乞和遂稱臣畫淮爲界乃罷兵金史本傳達蘭以久

持兵柄謀反有狀詔以屬尊有大功因釋不問出爲  
行臺左丞相手詔慰遣既至燕京愈驕肆不法復與  
翼王呼蘭原作鶻懶有謀朝議漸悉其與宋交通復有上  
變告者宏簡錄熙宗乃下詔誅之金史本傳詔曰先王制賞  
議罰賞所以褒有功非濫恩也罰所以罰有罪非濫  
怒也朕惟國相達蘭輔佐先帝曾立邊功迨先帝上  
仙朕承繼丕業睿維元老俾董征誅不謂持吾重權  
陰懷異議國人皆曰可殺朕躬非故私徇奏對悖慢  
理當棄磔以彰厥過嗚呼四眚出而復興漢室二叔  
誅而再造周基去惡用賢其鑒斯在布告中外咸使

聞知

金節要

并殺翼王及宗人呼勒希圖

原作活

達蘭

二子威泰

原作幹帶

烏達布

原作烏達補

而赦其黨與

金史本傳

吉林通志卷八十

人物志九 金八

薩里罕

錫默阿里

托克索

富埒琿

阿里布

赫木頗

德克德

額圖琿

實納

穆都哩

達呼布

和珍

薩里罕

原作撒南喝大金志作撒離曷金石萃編作薩甲干

一名杲安帝六代

孫泰州博勒和

原作盧火

之族和勒博織之孫

原作胡魯補山

雄偉有才略金史本傳世祖養以為子太祖愛之常令在

軍故不隨遷仍居按春水原作安出以驍勇見知於

宗翰大金志伐宋宗翰傳為萬戶大金志克汴北還宗望分

遣諸將定河北左都監棟摩原作閣母攻下河間雄州李

成棄城走薩里罕邀擊大破之雄州遂降金史本傳宗輔

經略山東留軍河上真定賊自稱元帥秦王擊破其

眾執而戮之宏簡錄婁室征陝西薩里罕副之天會九

年十月繫年要錄宗弼軍敗於和尚原金史本傳自河東還燕

山左副元帥宗維金史宗翰作留宗弼在軍中更以薩里

罕為陝西經略使繫年要錄徇地自渭以西降順德軍又

降脫原路鎮戍軍進平熙河降甘泉等二堡遂取保

川城明年同殯都原作奔觀討平河外降甯洮安隴二寨

並降下河及樂河至西甯盡降其都護官屬於是瑪

爾布族長等皆迎降攻慶陽敗其拒者遂降其城慕

洧以環州來降得城寨十三步騎一萬於是上褒美

薩里罕而戒勵宗弼睿宗已定陝西留兵屯衝要使

薩里罕總之居無何請收劍外十三州與宋王彥之

軍七千人遇於沙會樂敗之金史本傳入洵陽界宋將邵

龍敗走大金志遂克金州連破吳玠諸軍於饒風關金史

本傳募死士由饒風之左援崖而上升遂克祖溪關大金史

志取真符縣及洋州入興元府敗吳玠軍於固鎮擒

其兩將盡下諸砦及仙人關金史本傳時十二年二月丁

酉也太宗紀是年冬十一月疆場無事獵於梁山之陽

至唐乾陵經略郎君行記碑題名而記其事金石萃編十四年為

元帥右監軍未幾為右副元帥金史本傳天眷元年遷左

監軍二年遷左副元帥大金志三年宗弼復取河南金史

本傳薩里罕自河中渡河入同州界破永興軍及鳳翔

府陝右大恐既而折合字堇戰敗中傷退屯武功和

議再成南北不復戰矣大金志皇統三年封應國公賜

資甚厚熙宗出獵賜具裝馬二命射於圍中加開府

儀同三司將還軍命宰臣餞之海陵升蒲州為河中

府薩里罕為尹左副元帥如故自陝西入朝因從容

言曰唐建成不道太宗以義除之即位以後力行善

政後世稱賢陛下以前主失德大義廢絕力行善政

則如唐太宗矣海陵聞其言色變既而進封國王以

為行臺左丞相兼左副元帥又恐不奉命陽尊以殊

禮使係屬籍以玉帶璽書賜之至汴詔諭右丞相右

副元帥撻不野無使薩里罕預軍事薩里罕不知每

事輒爭之撻不野詭曰太師梁王以陝西事屬公以

河南事屬撻不野今未嘗別奉詔命陝西之事撻不



野固不敢干涉撻不野久在河南將士畏而附之薩里罕始至勢孤爭之不得白於朝大臣希上旨報曰如梁王教使還撻不野獨有附奏薩里罕不得預聞人皆知海陵使撻不野圖之矣金史本傳帥府令史約索原作希意誣薩里罕父子并平章宗義尙書謀里野遙設等謀反約索學薩里罕手署并印文詐爲家書與其子宗安從左都監瓚都上變宏簡錄封題作已經開拆者書隱約有白字作曾經水浸致字畫分明者稱宗安於宮門外遺下此書約索拾得之金史本傳辭云阿格原作汝安樂否早晚到闕下前者走馬來時曾議論

我教汝阿格平章穆里延阿格等處觀事勢再通往來緩急圖謀知汝已嘗備細言之穆里延阿格所言曠是只殺托卜嘉則南路無憂慮矣宗義傳又曰撻不野自來於我不好應是知得上意遲緩分毫猜疑必落他手也阿格每見此書約定日月教薩古令史卻寫白字書來有司鞫問宗安不服曰使真有此書我剖肌肉藏之猶恐漏泄安得於朝門遺之有司答掠楚毒薩古不能堪自誣服宗安神色不變曰今雖無以自明九原之下必有冤對吾終不能引屈竟不服而死宗義謀里野皆被害遂使色埒渾原作廝魯渾殺薩

里罕於汴族其家親屬坐死者二十餘人大定初詔

復官爵三年追封金源郡王諡莊襄以郡王品秩官

為營葬圖像衍慶宮五字依詳校本增十七年配享太宗廟

廷宏簡錄

錫默原作斜卯阿里珠卜奇原作尤吉水錫默部人宏簡錄父歡

塔原作渾坦穆宗時內附數有戰功阿里年十七從伯父

和摩爾噶原作麻谷討卓多原作詐都獲其弟薩勒扎原作阿里

只高麗築九城於海蘭甸歡塔攻之遇敵於穆爾茂

原作木里門 甸力戰久之阿里挺槍刺其將於陳中敵遂

潰歡塔與碩碩歡原作石合兵於圖們原作徒門阿里首

敗敵兵取其二城高麗入寇以我兵屯守要害不得

進乃還阿里追及於海蘭原作曷懶水高麗人爭走水上

阿里乘之殺略幾盡遂合兵於碩碩歡道遇敵兵五

萬擊走之又與碩碩歡遇敵七萬先登奮擊大敗之

碩碩歡曰汝一日之閒三破重敵功豈可忘乃厚賜

之金史本傳哈薩額特布原作烏睹本攻托津原作駝吉城阿里

築楹為門會已暮不可入以兵守至旦遂取之額特

布遺以被甲乘馬宏簡錄從太祖攻下甯江州授明安

又從攻信州賓州皆克之遼人來攻貝勒和索哩原作

忽沙里城阿里率百餘騎救之遼兵數萬阿里兵少乃

令軍士裂衣多為旗幟出山谷間遼兵望見遯去蘇

復州叛眾至十萬旁近女直皆保於太尉和碩原作胡沙

家築壘為固敵圍之數重守者糧芻俱盡牛馬相食

其鬃尾人易子而食夜緹二人出告急阿里字依詳校本削阿

里赴之內外合擊大破其眾於必爾罕原作闕離密罕水上

剽殺幾盡水為之不流富埒赫哈爾吉原作蒲離古胡什吉水

馬韓島凡十餘戰破數十萬眾契丹奚人聚舟千艘

將入於海阿里以二十七舟邀之中流矢卧舟中夜

始蘇敵船已入王家島即夜取海路追及之敵走險

以拒復阿里字依詳校本削以騎兵邀擊再中流矢力戰不退

竟破之盡獲其舟於是蘇復州博索原作婆速路皆平攻

顯州下靈山縣取梁魚務敗伊都原作余睹兵功皆最後

與蘇都哩原作都魯屯高州契丹扎古雅原作古牙糾堅

原作九斤合興中兵數萬攻和爾台原作里特寨將阿里字依詳校

本削以八穆昆兵救之和爾台先往敗於城下阿里指

陣前緋衣者二十餘人曰此必賊酋也麾兵奮擊皆

殺之餘眾大潰來州隰州兵圍和爾台城聞阿里來

救即解圍去棟摩討張覺有兵出樓峯口山谷間與

阿里字依詳校本削蘇都哩呼拉布原作盧補三明安擊敗之金史

本傳又敗平州兵及伐宋別擊敗宋軍孟陽之役扼橋

渡力戰明年再舉至保州中山累破之進圍真定與

羅索原作赫嚕原作乘風縱火焚其樓櫓諸軍畢登

進克其城師至河上鈕祜祿呼遜原作粘擊走宋人

扼河津兵數千遂渡河諸將分出大名境阿里破敵

四百盡殪之圍汴京城中兵二萬夜出將焚攻具與

持嘉暉原作赤及穆昆察遜雅薩原作常之其眾

大潰還乃攻降趙州宏簡六年伐宋主取陽穀莘縣

敗海州兵八萬人降其城史作海州降敗賊船萬餘

於梁山泊招降滕陽東平泰山羣盜盜攻范縣擊走

之獲船七百艘宗弼攻下睢陽與烏雅富埒瑋原作

蒲盧先以二千人往招壽器具舟淮水上時宋將康

民史無宋將字聚買船四百與壽春相近珠爾蘇原作

依詳校本增尤列以騎四百破康民斬馘數千與當堪原作大臭

破賊十萬於淮南比至江連破宋兵獲舟二百艘宗

弼至江甯與富埒瑋別降廣德軍先趣杭州去杭十

餘里遇宋伏兵二千取我前驅甲士三十人阿里使

諸軍去馬搏戰伏兵敗皆逼死於水金史已乃具舟

列於錢塘江宋主奔越珠爾蘇等破其城復走明州

宗弼遣阿里富埒瑋引精兵四千襲之宏簡破東關

兵濟曹娥江敗宋兵於高橋鎮至明州頗失利宋主

已入於海乃退軍餘姚宗弼使當堪濟師遂下明州  
執宋守臣趙伯諤進至昌國縣宋主由昌國走温州  
由海路追三百餘里弗及與宗弼俱北歸睿宗經略  
陝西駐涇州阿里先取渭州睿宗趨熙河阿里綏赫  
原作斜葛韓常三明安爲前軍十二年與高彪監護水運  
宋以舟師阻亳州河路擊敗之追殺六十餘里獲其  
將蕭通破漣水水寨賊盡得其大船遂取漣水軍招  
徠安輯之天眷閒盜據石州阿里討之鈕祜祿呼遜  
與所部先登克其城石州平宗弼再伐宋阿里已老  
督造戰船宋稱臣詔賜阿里錢千萬爲迭里部節度

使歷順義泰甯軍歸德濟南尹天德初致仕加特進

封王正隆例降封韓國公召赴闕命造戰船以疾薨

年七十八諡智敏金史本傳大定間定亞次功臣圖像衍

慶宮十三字依詳校本增阿里性忠直多智略自結髮從軍大

小數十戰尤習舟楫江淮用兵無役不從人以水星

目之家故饒財弟兄相友愛以己明安財物盡與弟

阿布哩原作愛拔里阿布哩不肯受逃避歲餘阿里終與

之金史本傳

托克索原作突合速宗室子納罕原作拏罕塞人初隸萬戶實

嘉努原作石家奴麾下嘗領偏師破雲中諸山寇盜宗望

攻平州遣托克索討應州賊平之撫安其民而還及

伐宋在宗翰軍以八穆昆破石嶺關金史本傳關猶險隘

太原帥張孝純謀守關之人命冀景景辭孝純不許

復命耿守忠以本部八千助之景復辭孝純曰第如

我語景不得已而往使守忠當其前及至關守忠果

啟而獻之景單騎奔還大金國志師至太原祁縣降而復

叛托克索攻下之進取文水縣後從諸師列屯汾州

之境宋河東軍帥郝仲連張思正陝西軍帥張關索

及其統制馬忠合兵數萬來援皆敗之宗翰南伐至

潞還太原猶未下即留完顏尼楚赫原作銀總督諸

軍經略其地於是宋援兵大至托克索從瑪武原作馬五

烏嚕原作沃魯破宋兵四千於文水聞宋將黃迪等以兵

三十萬柵於縣之西山復與耿守忠合兵九千擊之

殺八萬餘人獲馬及資糧甚眾宋制置使姚古率兵

至隆州谷托克索與巴爾斯原作拔以步騎萬餘禦

之宋將張灝以兵十萬營於文水近郊復與巴爾斯

擊破之潞州復叛宋兵號十七萬托克索被圍磨軍

士下馬力戰遂潰圍而出及再舉伐宋羅索原作率

軍先趨汴至澤州托克索烏嚕以五百騎為前驅往

招河陽先據黃河津宋兵萬餘背水陣進擊敗之皆

擠於水遂降河陽汴京平諸將西趨陝津略定河東  
郡縣托克索取憲州遇其援軍擊敗之生擒其將貝  
勒甯温珠嚕原作濃等攻保德未下托克索進兵助  
擊梯衝並進遂克其城貝勒烏爾古原作烏谷攻石州屢  
敗亡其三將軍士歿者數百人托克索謂烏爾古曰  
敵皆步兵吾不可騎戰烏爾古曰聞賊挾妖術畫馬  
以繫其足疾甚奔馬步戰豈可及之托克索笑曰豈  
有是耶乃令諸軍去馬戰盡殪之六年尼楚赫史作宗輔  
依詳校本改駐師鄧州托克索瑪武巴爾斯西取均房遂  
下其城攻唐蔡陳州及潁昌府皆克之天眷初除彰

德軍節度使三年為元帥左監軍皇統八年改濟南

尹天德間封定國公授世襲千戶卒年七十二正隆

二年贈應國公金史本傳大定間定亞次功臣圖像衍慶

宮贈特進十六字依詳校本增

烏雅富埒瑁原作烏延海蘭原作孩懶路烏克敦原作烏古昏敵

山人父巴古拉原作古刺為龍虎衛上將軍富埒瑁膺

力絕人能挽強射二百餘步金史本傳與兄呼沙呼原作鶻沙

虎俱以勇健隸棟摩原作闍母帳下攻黃龍府力戰有功

兔耳山之敗張覺復整兵來諸將皆不敢戰富埒瑁

獨登山望之宏簡錄乃給諸將曰敵軍少急擊可破也

若入城不可復制遂合戰破之郭藥師蔡靖以燕京  
降富埒瑋率九十騎先伺察城中居民去就遂將漢  
兵千人隸完顏蒙克原作蒙迺攻真定進攻贊皇取之獲  
人畜甲仗萬餘汴城破日已暮宋人猶力戰槍刺中  
富埒瑋手戰益力遂敗宋軍賜金五十兩睿宗爲右  
副元帥二  
十二字依  
詳校本削元帥府承制以富埒瑋爲河北西路兵馬  
都總管及宋主在揚州富埒瑋與蒙克將萬騎襲之  
宋主已渡江破其餘兵後與錫默阿里俱從宗弼自  
淮西渡江取江甯宗弼入杭州宋主走明州再走溫  
州由海路追三百餘里隳明州而歸天眷二年授鎮

國上將軍除安國軍以疾去官皇統六年世襲穆昆  
起爲延安尹賜尙衣一襲尋致仕海陵遷中都起爲  
歸德尹就其家授之賜銀牌襲衣玉吐鶻馳驛之官  
富埒瑋留數十日已違程復聽致仕召赴京師至薊  
州見海陵於獵所明日從獵獲一狐海陵曰卿年老  
尙能馳逐擊獸健捷如此賜以御服封幽國公除太  
子少師進太子太保改真定尹入判大宗正事頃之  
伐宋以本官行右領軍副都督事師次西采石海陵  
欲渡江富埒瑋曰宋軍船高大我船庫小恐不可遽  
渡海陵怒曰汝昔從梁王追趙構於海島皆大舟耶



乃今沮吾兵事設不能遽渡江不過有少損耳爾年

已七十縱自愛豈有不死理耶明日當與瑣都原作奔賄

先濟既而復止之乃遣別將先渡江舟小不可戰遂

失利金史本傳軍還至中都謁世宗除東京留守詔諭卿

宿將久練兵事年雖老精神不衰因命到官旬月一

視事賜衣一襲進階開府儀同三司宏簡錄仍封幽國

公金史本傳大定二年卒年七十三孫扎昆原作扎虎遷廣威

將軍襲烏克敦山世襲明安並親管穆昆宏簡錄

阿里布原作阿宗室子系出景祖屢從征伐滅遼舉

宋皆有功天會九年睿宗經略陝西阿里布為左翼

都統與右翼都統宗弼撫定鞏洮河西甯蘭廓等州

軍來賓定遠和政甘峪甯洮安隴等城寨及鎮堡蕃

漢營部四十餘處漢官軍民蕃部酋長甚眾於是涇

原熙河兩路皆平詔以兄明安薩勒扎原作沙親管

穆昆之餘戶以阿里布為世襲穆昆天會十二年為

元帥右都監十五年遷左監軍天眷三年從宗弼復

河南遷左副元帥皇統三年封譚國公六年為行臺

右丞相史作左丞相元帥如故是歲薨大定間大褒

功臣圖像衍慶宮金史本傳有所未盡宏簡錄故定亞次功

臣始代國公罕都原作歡都金源郡王實圖美原作石徐

國公琿楚原作鄭國公們圖克原作濮國公實古原作

納原作石濟國公芬徹原作韓國公錫默阿里原作

阿元帥左監軍巴爾斯原作魯國公富察實嘉努原作

石家奴原作銀青光祿大夫蒙克原作隨國公和尼原作

活特進托克索原作齊國公博勒和原作開府

儀同三司烏雅富埒原作儀同三司阿里布原作

魯補鎮國上將軍烏凌阿原作托雲原作太師

領三省事原作太傅大臬原作大興尹持嘉暉

蓋暉原作金吾衛上將軍耶律瑪武原作驃騎上將軍

韓常終阿里布原作凡二十三人原作咸著勳焉子

言方金史本傳

赫木頗原作珠卜奇原作水錫默原作部人性忠

直寬厚重節義勇於戰父阿古圖原作贈金吾衛

上將軍穆宗時赫木頗內附金史本傳先遣子甯嘉原作

從閒道送款使與和勒端原作合軍攻降諸部因

領其眾後佐薩哈原作攻破烏塔原作城屢被賞賚

時富察原作部雅里貝勒與其兄弟和拜原作松科

雙括等欲叛歸遼赫木頗執之送於康宗賜賚甚厚

從戰高麗海蘭原作甸及下托囉原作城有功宏簡錄

天輔六年卒年七十二天眷中贈銀青光祿大夫金史

本傳

德克德

原作迪姑迭

温特赫

原作温迪罕

部人祖哲克訥

原作托古

迺

父阿古岱

原作阿胡迭

世為和掄

原作胡論

水部長德克德

年二十餘代領父穆昆攻甯江州敗遼援兵獲甲馬

財物攻破奚營回至韓州遇敵二千人擊走之烏楞

古

原作幹魯古

與遼人戰於咸州兵已卻德克德以本部

兵力戰諸軍復振遂大破之呼岱巴

兵

原作護步答

岡之役

阿里布

原作乙里補太祖紀本作阿离本

貝勒陷敵中德克德援出

之攻黃龍府身被數創授明安天輔七年從上至山

西病卒年四十七天眷中贈光祿大夫

金史本傳

額圖琿

原作阿徒罕

温特赫

原作温迪罕

部人年十七從薩哈

撒改

原作威泰幹帶

討平諸部皆身先力戰高麗築九城

於海蘭

原作曷懶

甸烏色

原作幹塞

禦之額圖琿為前鋒

金史本傳

謀知兵屯海島亟率眾三十夜渡焚其營柵戰艦兵

遂大敗始下托津

原作圖吉

城既而入城皆下論功為最

宏簡錄

遼兵自甯江州東門出額圖琿逆擊盡殪之以

功授穆昆從攻黃龍府力戰身被數十創竟登其城

後與鄂蘭沙津

原作烏論石準

援昭蘇

原作照散

城請乘不備急

擊之遂夜過伊圖

原作益褪

水詰朝大敗之幹魯上其功

賜幣與馬天輔四年五月疾病賜良馬一匹詔曰汝

安則乘之卒年六十五上悼惜之遣使弔祭以馬為

贈額圖瑋為人孝悌好施惠健捷善弋獵至角觝擊

鞠咸精其能

金史本傳

瓜爾佳實納

原作夾谷謝奴

隆州納爾瑋

原作納魯悔

河人

金史本傳

祖阿哈

原作阿海

國初率所部來歸獻器用甲仗

宏簡父錄

布爾噶蘇

原作不刺達

襲本部貝勒從太祖伐遼授世襲

明安親管穆昆為海蘭

原作曷懶

路都統實納其長子也

長身多力

史作多鬣依詳校本改

善騎射通女直契丹大小字

及漢字既冠隨其父見太祖命佩金牌總領左翼護

衛

金史本傳

天輔六年

太祖紀

西京未下實納獲城中生口

乃知城中潛遣人求救於外都統府得為之備卻其

救兵西京乃下自燕京還過盤泥納

原作判泥恩納阿

遇敵

於隘實納身先士卒射殺敵中先鋒二人敵潰走總

管富勒呼

原作蒲魯虎

以甲及馬贈之後領其父明安從

攻和尚原出仙人關宋人據險明安綽爾齊

原作雜訛只

突戰不克實納選麾下五十人戰克之與吳玠相拒

烏哩雅

原作烏里雅

行陣不整吳玠乘之實納領兵逆戰

遂大破敵計前後功襲其父明安穆昆

金史本傳

天眷三

年

熙宗紀

宗弼復取河南陝西宋人欲潛兵襲取石閏

諸營實納自渭南大禹鎮掩其伏兵射中其軍帥宋

兵敗走多獲旗幟兵仗帥府厚賞之除華州防禦使

入為工部侍郎遷本部尚書改平涼尹昭義軍節度

使大定初卒金史本傳子扎拉原作查刺宏簡錄

珠勒根穆都哩原作阿勒根沒都魯上京納琳原作納鄰河人也後

徙咸平路梅赫原作梅黑河雄偉美鬚髯勇毅善射國初

伐遼穆都哩在軍中領穆昆明安每遇敵往來馳突

人莫敢當故所戰克捷皇統元年計功擢宣威將軍

明年授同知通遠軍節度使改伊埒圖原作移刺都紕詳

袞授世襲本路音達琿原作甯打渾河穆昆為滑州刺史

改肇州防禦使扶餘原作蒲與路節度使遷驃騎上將軍

累官金吾衛上將軍金史本傳以年老致仕卒年七十三

宏簡錄

洪果達呼布原作黃擱敵古木世居錫馨原作星顯水從破甯江

取咸州平東京路及諸山寨柵皆有功從瑪奇原作麻吉

破遼和尚節使兵七千於上京復破納延原作那野軍二

萬再從瑪奇遇敵於阿林原作阿鄰甸瑪奇被創不能戰

達呼布率兵擊敗之勦殺殆盡從攻回鶻城破其兵

九萬敗瑪爾噶直薩原作木匠直撒兵於山後俘獲甚眾敗

扎古雅原作昭古牙兵三千獲其家屬而還攻平州張覺

烏春原作吾春被圍於西山引兵救之解其圍並獲糧五

十斛招降戶口甚眾從平興中撫安其民人天會間

大金伐宋從取濬開德大名及取濟南高唐棣密等

州皇統間以功襲穆昆移屯於壽光縣界為千戶六

年授世襲千戶棣州防禦使卒

金史本傳

富察和珍

原作蒲察胡蓋

按春出虎

原作安水人也年十八從軍

其父塔斯

原作特厮

死襲為穆昆天輔間夏兵三萬出天

德路從羅索

原作婁室

迎戰以兵三百敗敵二千

金史本傳

天會三年大軍攻太原以所領千戶軍擊敗城中兵萬

餘又敗援兵三萬於榆次境

宏簡錄

六年從羅索攻京

兆以所部兵屢與宋人接戰皆先登有功七年取邠

州遇宋人二十餘萬右翼少卻時和珍為左翼千戶

摧鋒陷陣敵遂敗去敗張浚富平復有功十二年擊

關師古眾三萬餘於臨洮從攻涇州從破德順秦鞏

臨洮河蘭等州破吳璘兵和珍皆有力焉授德順州

刺史改隴州防禦使鳳翔尹卒年五十五

金史本傳

陳東道關吳初樂分風賦代辛辛正十正  
本朝金史  
編書可圖等世如吳藝吳味紅管齊代賦舞燕賦賦  
開明古眾三萬餘統編將其地聖使發燕燕則泰萃  
職書兩朝始設規去規選對富平英音世十二平運  
陳國宋人二十餘萬六萬少時和味紅管世異千可

